

3. is vidit in visu manifestè, quasi horà dièi nonà, Angelum Dei introeuntem ad se, & dicentem sibi, Cornéli.

4. At ille intuens eum, timore correptus, dixit: Quid est, Dómine? Dixit autem illi: Oratiónes tuæ & eleémósynæ tuæ ascenderunt in memóriam in conspéctu Dei.

5. Et nunc mitte viros in Ioppen, & accersi Simónem quendam, qui cognominatur Petrus:

6. hic hospitatur apud Simónem quendam coriárium, cuius est domus iuxta mare: hic dicet tibi quid te oporteat facere.

7. Et cum discessisset Angelus, qui loquebatur illi, vocavit duos domésticos suos, & militem metuentem Dóminum ex his, qui illi parébant.

8. Quibus cum narrasset ómnia, misit illos in Ioppen.

9. Pósterà autem die iter illis facientibus, & appropinquantibus civitati, ascendit Petrus in superiora ut oráret circa horam sextam.

10. Et cum esuriret, voluit gustare. Parantibus autem illis, cecidit super eum mentis excéssus:

11. & vidit cælum apertum, & descéndens vas quoddam, velut linteum magnum, quatuor initiis submitti de cælo in terram,

12. in quo erant ómnia quadrupédia, & serpéntia terræ, & volatília cæli.

13. Et facta est vox ad eum: Surge Petre, occide, & manduca.

14. Ait autem Petrus: Absit Dóminé, quia numquam manducavi omne commune, & immúndum.

15. Et vox iterum secúndò ad eum: Quod Deus purificavit, tu commune ne dixeris.

16. Hoc autem factum est per ter: & statim recéptum est vas in cælum.

17. Et dum intrà se hæsitaret Petrus quidnam esset visio, quam vidisset: ecce viri, qui missi erant à Cornélio, inquirentes domum Simónis, astiterunt ad ianuam.

18. Et cum vocassent, interrogabant, si Simon, qui cognominatur Petrus, illic haberet hospitium.

19. Petro autem cogitante de visióne, dixit Spíritus ei: Ecce viri tres quærunt te.

20. Surge itaque, descende, & vade cum eis nihil dubitans: quia ego misi illos.

21. Descéndens autem Petrus ad viros, dixit: Ecce ego sum, quem quæritis:

quæ causa est, propter quam venistis?

22. Qui dixerunt: Cornélius Centurio, vir iustus, & timens Deum, & testimónium habens ab univérſa gente Iudæorum, respónsum accépit ab Angélo sancto accersire te in domum suam, & audire verba abs te.

23. Introdúcens ergo eos, recépit hospitio. Sequenti autem die surgens profectus est cum illis: & quidam ex fratribus ab Ioppe comitati sunt eum.

24. Alterà autem die introivit Cæsariam. Cornélius verò expectabat illos, convocatis cognatis suis, & necessariis amicis.

25. Et factum est cum introisset Petrus, obvius venit ei Cornélius, & pròcédens ad pedes eius adoravit.

26. Petrus verò elevavit eum, dicens: Surge, & ego ipse homo sum.

27. Et loquens cum illo intravit, & invenit multos, qui convenerant:

28. Dixitque ad illos: Vos scitis quomodo abominatum sit viro Iudæo coniungi, aut accédere ad alienigenam: sed mihi ostendit Deus, néminem communem aut immúndum dicere hóminem.

29. Propter quod sine dubitatiónne veni accersitus. Interrogo ergo, quam ob causam accersistis me?

30. Et Cornélius ait: A nudiusquarta die usque ad hanc horam, orans eram horà nonà in domo mea, & ecce vir stetit ante me in veste cándida, & ait:

31. Cornéli, exaudita est oratio tua, & eleémósynæ tuæ commemoratæ sunt in conspéctu Dei.

32. Mitte ergo in Ioppen, & accersi Simónem, qui cognominatur Petrus: hic hospitatur in domo Simónis coriárii iuxta mare.

33. Confestim ergo misi ad te: & tu benefecisti veniéndò. Nunc ergo omnes nos in conspéctu tuo ádsumus audire ómnia quæcumque tibi præcepta sunt à Dómino.

34. Apériens autem Petrus os suum, dixit: In veritate cõmperi * quia non est personarum accéptor Deus,

35. sed in omni gente qui timet eum, & operatur iustitiam, accéptus est illi.

36. Verbum misit Deus filiis Israël, annuncians pacem per Iesum Christum: (hic est ómnium Dóminus.)

37. * Vos scitis quod factum est verbum per univérſam Iudæam: incipiens enim à * Galilæa post baptismum, quod prædicavit Ioánes,

* Dent. 10.

17.

2. Par. 19.

7.

Iob 34. 19.

Sap. 6. 8.

Ecl. 35.

15.

Rom. 2. 11.

Gal. 2. 6.

Ephes. 6. 9.

Col. 3. 25.

1. Petr. 1.

17.

* FER. 2.

P O S T

PASCH.

* Luca 4.

44.

38. Ie-

38. Iesum à Nazareth: quomodo unxit eum Deus Spíritu sancto, & virtute, qui pertransiit beneficiendo, & sanando omnes opprèssos à diabolo, quoniam Deus erat cum illo.

39. Et nos testes sumus ómnium, quæ fecit in regione Iudæorum, & Ierusalem, quem occiderunt suspendentes in ligno.

40. Hunc Deus suscitavit tertià die, & dedit eum manifestum fieri

41. non omni pópulo, sed téstibus præordinatis à Deo: nobis, qui manducavimus, & bibimus cum illo postquam resurrexit à mórtuis.

* FER. 2.
P O S T
PENTEC.

42. Et præcepit nobis prædicare pópulo, & testificari quia ipse est, qui constitutus est à Deo iudex vivorum, & mórtuorum.

* Ier. 31.
34.
Mich. 7.
18.

43. * Huic omnes prophète testimónium perhibent remissionem peccatorum accipere per nomen eius omnes, qui credunt in eum.

44. Adhuc loquente Petro verba hæc, cecidit Spíritus sanctus super omnes, qui audiebant verbum.

45. Et obstupuerunt ex circumcisiónne fideles, qui venerant cum Petro: quia & in nationes grátia Spíritus sancti effusa est.

46. Audiébant enim illos loquentes linguis, & magnificantes Deum.

47. Tunc respóndit Petrus: Numquid aquam quis prohibere potest ut non baptizentur hi, qui spíritum sanctum accéperunt sicut & nos?

48. Et iussit eos baptizari in nómine Dómini Iesu Christi. * Tunc rogaverunt eum ut maneret apud eos aliquot diébus.

CAPUT XI.

Petrus Ierosolymam reversus, quod Gentes in Ecclesiam admisserit, reprehenditur:

quid secum actum fuerit, ex ordine enarrat. Fideles dispersi, Iesum Iudæis & Gentibus annunciant; Barnabas & Paulus complures Antiochiæ convertunt ad fidem; ibi primum Discipuli cognominantur Christiani; Agabi prophetia. Per manus Barnaba & Sauli Iudæis subsidium mittitur.

Eodem
ann. 39.

1. Audiérunt autem Apóstoli, & fratres, qui erant in Iudæa: quoniam & Gentes receperunt verbum Dei.

2. Cum autem ascendisset Petrus Ierosolymam, discéptabant adversus illum, qui erant ex circumcisiónne,

3. dicentes: Quare introisti ad viros præputium habentes, & manducasti cum illis?

4. Incipiens autem Petrus exponébat illis ordinem, dicens:

5. Ego eram in civitate Ioppe orans, & vidi in excéssu mentis visiónem, descéndens vas quoddam velut linteum magnum quatuor initiis summitti de cælo, & venit usque ad me.

6. In quod intuens considerabam, & vidi quadrupédia terræ, & béstias, & reptília, & volatília cæli.

7. Audivi autem & vocem dicentem mihi: Surge Petre, occide, & manduca. 8. Dixi autem: Nequáquam Dómine: quia commune aut immúndum numquam introivit in os meum.

9. Respóndit autem vox secúndò de cælo: Quæ Deus mundavit, tu ne commune dixeris.

10. Hoc autem factum est per ter: & recépta sunt ómnia rursum in cælum.

11. Et ecce viri tres confestim astiterunt in domo, in qua eram, missi à Cæsaria ad me.

12. Dixit autem Spíritus mihi ut irem cum illis, nihil hæsitans. Venerunt autem mecum & sex fratres isti, & ingressi sumus in domum viri.

13. Narravit autem nobis, quomodo vidisset Angelum in domo sua, stantem & dicentem sibi: Mitte in Ioppen, & accersi Simónem, qui cognominatur Petrus,

14. qui loquetur tibi verba, in quibus salvus eris tu, & univérſa domus tua.

15. Cum autem cepissem loqui, cecidit Spíritus sanctus super eos, sicut & in nos in initio.

16. Recordatus sum autem verbí Dómini, sicut dicebat: * Ioánes quidem baptizavit aqua, vos autem baptizabimini Spíritu sancto.

17. Si ergo eandem grátiam dedit illis Deus, sicut & nobis, qui credidimus in Dóminum Iesum Christum: ego quis eram, qui possem prohibere Deum?

18. His auditis, tacuerunt: & glorificaverunt Deum, dicentes: Ergo & Gentibus peniténtiam dedit Deus ad vitam.

19. Et illi quidem, qui dispersi fuerant à tribulatiónne, quæ facta fuerat sub Stéphano, perambulaverunt usque Phœnicen, & Cyprum, & Antiochiám, né-

Zzzz mi-

